

26/10/2003

Dr Mahathir tidak berasa kehilangan jawatan

KUALA LUMPUR: Datuk Seri Dr Mahathir Mohamad yang akan bersara beberapa hari lagi berkata, beliau tidak akan berasa kehilangan jawatan sebagai Perdana Menteri, sebaliknya menganggap persaraannya akan mengurangkan kesibukan beliau.

"Saya tidak akan terasa sangat, saya rasa kurang sibuk...lebih baik. Tak

payah ada reporter nak tanya itu, tanya ini," katanya sambil berseloroh ketika ditanya perasaannya yang akan bersara lima hari saja lagi.

Beliau berkata demikian ketika menjawab soalan pemberita setibanya dari

lawatan rasmi ke Papua New Guinea di Lapangan Terbang Tentera Udara Diraja

Malaysia (TUDM) dekat sini, petang semalam.

Dr Mahathir yang telah memimpin negara sejak 22 tahun yang lalu akan menyerahkan pucuk kepimpinan negara kepada Datuk Seri Abdullah Ahmad Badawi pada penghujung bulan ini.